

TI Politika o donacijama i smjernice

Uvod

Donacije i drugi prihodi omogućavaju TI da se bori protiv korupcije. TI mora obezbjediti sredstva finansiranja neophodna za neometan rad. Sigurna i raznovrsna sredstva omogućavaju TI-u da održi svoju nezavisnost, zaštiti svoj ugled i efikasno posluje.

Istorijat

Nacionalni ogranci i Sekretarijat TI (TI-S) se finansiraju iz različitih izvora: fondacija, vlada, privatnog sektora, pojedinaca, članarina, prihoda od publikacija, događaja i drugih aktivnosti, kao i iz zadužbinskog fonda. Oslonac u mnogim izvorima prihoda pomaže TI-u da održi svoju nezavisnost. Finansiranje može biti neograničeno ili vezano za određene projekte.

U suštini Nacionalni ogranci i TI-S ("TI tijela") sami prikupljaju svoja sredstva. Što se tiče prikupljanja sredstava za Sekretarijat, Odjel za Prikupljanje Sredstava predvodi i koordiniše aktivnosti prikupljanja za Sekretarijat.

TI ne smije rizikovati da ugrozi svoj ugled koji uživa za iskrenost, otvorenost i integritet. Taj ugled bi mogao biti ugrožen ukoliko TI primi sredstva od izvora za koje se smatra da se bave aktivnostima koje nisu u skladu sa misijom TI-a.

Politika

Politika TI-a je da prihvati sredstva, novčana ili u drugom obliku, od bilo kojeg donatora pod uslovom da to prihvatanje:

- ne narušava nezavisnost TI-a da nastavi sa svojom misijom
- ne ugrožava njen integritet i ugled.

Polje djelovanja

Ova Politika se odnosi na sva prikupljanja sredstava za sva TI tijela, bez obzira o kojem donatoru se radi ili koji iznos je u pitanju, osim ako drugačije nije navedeno. Ona se primjenjuje na sve nove aktivnosti oko prikupljanja sredstava od postojećih donator i na sve nove donatore u budućnosti. Ona se ne odnosi na prihod od prodaje publikacija ili naknada za učešće na konferencijama, događajima i drugim aktivnostima. Uvijek se moraju preduzeti sve potrebne mjere kako bi se zaštitio ugled TI-a.

Smjernice

Finansiranja koja omogućavaju funkcionisanje svih TI tijela treba tražiti u različitim izvorima. Mora se povesti računa o tome da se osigura da finansiranje određenog projekta ne rezultuje neodgovarajućim uticajem na program TI-a. TI-u je dozvoljeno prihvatanje sredstava iz svih vrsta izvora kako bi održao svoju nezavisnost i ugled.

Svako TI tijelo mora navesti sve donacije preko 1,000 EUR i javno ih objaviti, i navesti ih u Godišnjem izvještaju ogranka i na zvaničnoj internet stranici, a isto tako i u slučaju TI-S. Ukoliko postoji značajan rizik da će prihvatanje sredstava iz određenog izvora ugroziti nezavisnost TI-a ili ako javno povezivanje sa donatorom predstavlja značajan rizik za ugled TI-a, onda TI tijelo ne smije prihvatiti sredstva iz tog izvora.

Svaka donacija TI tijelu mora biti u stanju da podnese pomno ispitivanje javnosti. Nezavisnost TI-a zahtijeva od donator

da je u stanju da bude predmet kritika od strane TI kao i bilo koja druga organizacija ili pojedinac u sličnoj situaciji. Donator koji bude optužen da je umiješan u korupciju ne može očekivati nikakvu zaštitu od TI.

TI smije primati sredstva od korporacija i donatora iz privatnog sektora. Ovo ne podrazumijeva pihvatanje bilo kakve politike ili pravila donatorske kompanije. Savjetuje se da se potencijalna donatorska kompanija javno obaveže na etički standard (kao što je Globalni sporazum UN (UN Global Compact), načela poslovanja (the Business Principles) itd.), a TI tijela mogu zahtijevati od korporativnog donator da potpiše izjavu o posvećenosti integritetu prije nego bilo kakva donacija iz takve kompanije bude prihvaćena.

Nijedno TI tijelo ne smije prihvatiti donaciju od kompanije za koju se pokaže da je povezana sa korupcijom osim ako kompanije ne dokaže da je to bilo kršenje politike kuće, da se kršenjem politike nije pozabavilo na adekvatan način ili da je njena politika izmjenjena kako bi podržala slično kršenje u budućnosti. TI saraduje sa kompanijama koje takođe rade kako bi stvorile poslovno okruženje u kojem podmićivanje nije prihvatljivo.

Odgovornost je radnika i Upravnog odbora TI tijela da osiguraju da ne dođe do ugrožavanja nezavisnosti i ugleda TI-a.

Ako bilo koji radnik ili član Upravnog odbora TI tijela posumnja da postoji opasnost za nezavisnost ili ugled TI-a zbog već primljenih donacija, ili onih koje trebaju biti prihvaćene, ta osoba(e) mora na ovo skrenuti pažnju rukovodiocu ili Predsjedniku Upravnog odbora tog TI tijela.

Odobreno od strane AMM, 10.10. 2004., Nairobi, Kenija
Ažurirano od strane AMM, 19.10. 2014., Berlin, Njemačka